

**MALAYSIA**  
**DEWAN NEGARA**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 13 DISEMBER 2023, PUKUL 10.00 PAGI**

**Bil. 35**

---

**PERTANYAAN-PERTANYAAN BAGI JAWAB LISAN**

1. PN-1523-L10503  
**Tuan Haji Hussin bin Ismail** minta **MENTERI PENGANGKUTAN** menyatakan sama ada Kerajaan mempunyai suatu kerangka pelan pembangunan khusus di sepanjang jajaran ECRL dan jajaran LPT3 di negeri-negeri Pantai Timur.
2. PN-1523-L10419  
**Dato' Sivaraj A/L Chandran** minta **MENTERI PEMBANGUNAN KERAJAAN TEMPATAN** menyatakan :-
  - (a) apakah langkah-langkah yang telah diambil oleh pihak Kementerian untuk menguruskan 24 projek sakit PR1MA; dan
  - (b) setakat 15 Oktober 2023, sejumlah 35,454 unit rumah mampu milik telah dibina manakala 14,427 unit dalam proses pembinaan dan 3,765 unit dalam perancangan. Adakah jumlah sebesar 53,646 unit perumahan mampu milik yang dibina oleh PR1MA ini memenuhi tuntutan pasaran dan apakah perancangan pihak Kementerian untuk membina lebih banyak lagi rumah mampu milik melalui PR1MA.
3. PN-1523-L09894  
**Datuk Haji Aziz bin Ariffin** minta **MENTERI DALAM NEGERI** menyatakan :-
  - (a) status terkini penanguhan pengeluaran kad pengenalan kanak-kanak (MyKid) ekoran masalah bekalan mikrocip; dan
  - (b) apakah inisiatif Kerajaan bagi memastikan masalah ini dapat diselesaikan memandangkan penggunaan MyKid penting di jabatan-jabatan Kerajaan.

4. PN-1523-L10029  
**Datuk Wira Dr. Mohd Hatta bin Md Ramli** minta **MENTERI KESIHATAN** menyatakan komitmen Kementerian dalam menjaga kebajikan pegawai perubatan dengan mengkaji semula elaun tugas atas panggilan atau *on-call* untuk doktor perubatan yang telah sekian lama tidak dinaikkan.
5. PN-1523-L10160  
**Tuan Isaiah A/L D Jacob** minta **MENTERI PEMBANGUNAN KERAJAAN TEMPATAN** menyatakan bolehkah golongan OKU mendapat pinjaman tanpa faedah bagi pembelian rumah pertama.
6. PN-1523-L10082  
**Dr. Lingeshwaran A/L Dato' Seri R. Arunasalam** minta **MENTERI PERDAGANGAN DALAM NEGERI DAN KOS SARA HIDUP** menyatakan :-
  - (a) status pelaksanaan dan pencapaian untuk Program Jualan RAHMAH bergerak termasuk untuk kawasan pedalaman dan Sabah serta Sarawak; dan
  - (b) apakah petunjuk-petunjuk untuk mengukur inisiatif-inisiatif yang dijalankan bawah program ini untuk memastikan program ini berkesan.
7. PN-1523-L10304  
**Tuan Jaziri Alkaf Abdillah Suffian** minta **MENTERI PELABURAN, PERDAGANGAN DAN INDUSTRI** menyatakan adakah Kerajaan mempunyai perancangan untuk meningkatkan perjanjian perdagangan atau kerjasama ekonomi khususnya antara Indonesia dan Malaysia di wilayah Borneo.
8. PN-1523-L10474  
**Dr. Wan Martina binti Wan Yusoff** minta **MENTERI KESIHATAN** menyatakan apakah halangan-halangan yang menyebabkan Rang Undang-Undang Kawalan Produk Merokok Demi Kesihatan Awam 2023 tidak dapat dibentangkan pada sesi ini.
9. PN-1523-L10424  
**Puan Noorita binti Sual** minta **MENTERI PERDAGANGAN DALAM NEGERI DAN KOS SARA HIDUP** menyatakan apakah prestasi dan dapatan OPS TIRIS yang dilaksanakan selama 6 bulan bermula 1 Mac 2023 yang bertujuan untuk memastikan pelaksanaan subsidi diesel tidak mengalami ketirisan dan sampai kepada pihak yang layak menerimanya.

10. PN-1523-L10515

**Dato' Haji Husain bin Awang** minta **MENTERI KEMAJUAN DESA DAN WILAYAH** menyatakan usaha proaktif yang dilakukan oleh Pihak Berkuasa Kemajuan Pekebun Kecil Perusahaan Getah (RISDA) untuk meningkatkan pasaran industri perabot kayu getah tempatan bagi meningkatkan pendapatan pekebun kecil.

11. PN-1523-L10108

**Dato' Sri Ti Lian Ker** minta **MENTERI DALAM NEGERI** menyatakan rasional cadangan Kerajaan untuk mengeluarkan Seksyen 1(e) di Bahagian Kedua Jadual Kedua Perlembagaan Persekutuan iaitu peruntukan untuk mengelak ketidakwarganegaraan di Malaysia dan sejauh manakah kajian kebolehlaksanaan mengenainya telah dilakukan.

12. PN-1523-L10227

**Tan Sri Haji Mohamad Fatmi bin Che Salleh** minta **MENTERI PENGANGKUTAN** menyatakan situasi terkini syarikat penerbangan negara yang dilihat semakin membimbangkan dan hala tuju strategik bagi membangunkan sebuah sektor penerbangan awam yang mampan dan berdaya tahan.

13. PN-1523-L10120

**Datuk Noraini binti Idris** minta **MENTERI PERTANIAN DAN KETERJAMINAN MAKANAN** menyatakan pelan tindakan yang sedang dibangunkan secara bersepadu dengan Kerajaan-kerajaan Negeri untuk memperkukuhkan keterjaminan penghasilan dan bekalan beras putih tempatan yang bermutu tinggi sebagai persiapan awal untuk menghadapi apa jua bentuk embargo komoditi daripada negara-negara pengeksport beras pada tahun-tahun mendatang.

14. PN-1523-L10074

**Datuk Bobbey Bin Suan** minta **MENTERI SUMBER MANUSIA** menyatakan :-

- (a) usaha yang telah dilaksanakan bagi memperbaiki kadar pengangguran belia terutamanya di Wilayah Sabah; dan
- (b) pendekatan holistik Kementerian dalam meningkatkan kebolehpasaran belia di Sabah.

15. PN-1523-L10002  
**Datuk John Ambrose** minta **MENTERI PERTANIAN DAN KETERJAMINAN MAKANAN** menyatakan apakah bantuan yang dirancang bagi membantu pesawah padi yang terjejas akibat tanaman padi yang rosak kerana tercemar oleh air laut.
16. PN-1523-L10384  
**Tuan Roderick Wong Siew Lead** minta **MENTERI PENDIDIKAN** menyatakan sama ada peruntukan bagi Sekolah Jenis Kebangsaan (SJK) Cina atau Tamil berstatus Sekolah Bantuan Kerajaan (SBK) akan diinstitusikan.
17. PN-1523-L10145  
**Datin Ros Suryati binti Alang** minta **MENTERI SUMBER MANUSIA** menyatakan usaha strategik yang dilakukan Kementerian dalam membantu meningkatkan upah pekerja mengikut negeri-negeri, terutamanya di Pulau Pinang dari tahun 2018 hingga 2023.
18. PN-1523-L09833  
**Tuan Abun Sui Anyit** minta **MENTERI KERJA RAYA** menyatakan adakah Kementerian berhasrat untuk membina jalan persekutuan yang menghubungkan Bintulu dan Daerah Belaga sehingga ke Sempadan Malaysia / Indonesia di Pusat Pemeriksaan Sempadan Imigresen, Kastam, Kuarantin dan Keselamatan (ICQS) Tapak Megah.
19. PN-1523-L09936  
**Dato' Dr. Ahmad Azam bin Hamzah** minta **MENTERI PEMBANGUNAN KERAJAAN TEMPATAN** menyatakan mekanisme yang dilaksanakan dalam penyeliaan dan penyelenggaraan bagi memastikan longkang, parit dan saluran tidak tersumbat kerana perkara ini sering mengakibatkan banjir kilat di kawasan Lembah Klang.
20. PN-1523-L09968  
**Datuk John Ambrose** minta **MENTERI PENDIDIKAN** menyatakan apakah perancangan Kementerian dalam menaik taraf sekolah-sekolah daif di kawasan Parlimen Penampang bagi memastikan para pelajar dapat belajar dalam keadaan yang selamat, selesa dan kondusif.
21. PN-1523-L10010  
**Tuan Manolan bin Mohamad** minta **MENTERI SUMBER MANUSIA** menyatakan apakah jenis-jenis kursus TVET yang diambil dan berapakah jumlah terkini pelajar Orang Asli yang mengikuti kursus di semua institusi TVET di bawah kelolaan Kementerian Sumber Manusia.

22. PN-1523-L09874  
**Datuk Teo Eng Tee @ Teo Kok Chee** minta **MENTERI PEMBANGUNAN KERAJAAN TEMPATAN** menyatakan masa pelaksanaan Pilihan raya Pihak Berkuasa Tempatan sepertimana yang telah dijanjikan di dalam Manifesto Pakatan Harapan.
23. PN-1523-L10593  
**Tuan Amir bin Md Ghazali** minta **MENTERI PELANCONGAN, SENI DAN BUDAYA** menyatakan perancangan Kementerian untuk meningkatkan pelancong dari luar dan tempatan ke lokasi-lokasi tumpuan pelancong dalam negara.
24. PN-1523-L09944  
**Dato' Dr. Ahmad Azam bin Hamzah** minta **MENTERI PEMBANGUNAN WANITA, KELUARGA DAN MASYARAKAT** menyatakan statistik kes gangguan seksual dalam kalangan orang yang dikenali di Malaysia dan bagaimanakah Kementerian menangani dan menyekat kes ini daripada menjadi suatu kebiasaan dalam masyarakat.
25. PN-1523-L10352  
**Dato' Ajis bin Sitin** minta **MENTERI KEMAJUAN DESA DAN WILAYAH** menyatakan jumlah isi rumah Orang Asli yang berada di bawah garis kemiskinan negara dan berapa ramai pula yang berada dalam kategori miskin tegar.
26. PN-1523-L10098  
**Datuk Dr. Haji Azhar bin Ahmad** minta **MENTERI PERTANIAN DAN KETERJAMINAN MAKANAN** menyatakan usaha yang akan atau telah dilakukan bagi mengurangkan kebergantungan terhadap import barang mentah yang diperlukan bagi sektor pertanian dan penternakan.
27. PN-1523-L09852  
**Datuk Razali bin Idris** minta **MENTERI SUMBER MANUSIA** menyatakan faktor-faktor yang boleh mendorong pasaran buruh ditawarkan gaji yang tinggi serta setakat mana cerminan pasaran buruh bertambah baik walaupun dilihat penempatan pekerjaan tidak menampakkan sebarang peningkatan sekaligus menggambarkan lebih ramai pencari kerja sedang menganggur.

28. PN-1523-L10306  
**Tuan Mohd Hasbie bin Muda** minta **MENTERI PERTANIAN DAN KETERJAMINAN MAKANAN** menyatakan usaha dalam mengangkat Program Agroprenuer Muda dan berapakah peruntukan terkini Kerajaan dalam bentuk geran mudah serta adakah Kerajaan akan mengaktifkan kembali Majlis Agroprenuer Muda sebagai badan pemantau dan konsultansi bagi memastikan keberkesanan program.
29. PN-1523-L10572  
**Tuan Musoddak bin Ahmad** minta **PERDANA MENTERI** menyatakan perkembangan terkini penubuhan Jawatankuasa Khas bagi mengkaji isu harmonisasi bidang kuasa Mahkamah Sivil-Syariah serta kompetensi Dewan Undangan Negeri (DUN) dalam menggubal serta meminda Undang-undang Syariah Negeri.
30. PN-1523-L10225  
**Dato' Juhanis binti Abd Aziz** minta **MENTERI PERTANIAN DAN KETERJAMINAN MAKANAN** menyatakan perancangan dan tindakan Kerajaan untuk memastikan kejadian gangguan bekalan beras di pasaran tidak akan berulang.
31. PN-1523-L10298  
**Tuan Mohd Hasbie bin Muda** minta **MENTERI PENDIDIKAN** menyatakan apakah faktor-faktor utama Ujian Penilaian Sekolah Rendah (UPSR) dimansuhkan dan adakah keputusan itu muktamad dan tidak akan dikaji semula.
32. PN-1523-L10627  
**Dato' Kesavadas A/L A.Achyuthan Nair** minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan mekanisme pemantauan yang akan dilaksanakan bagi memantau tahap kemajuan bagi 5 projek Rancangan Tebatan Banjir (RTB) baharu yang akan dilaksanakan di Negeri Sembilan dan bagaimanakah mekanisme tersebut boleh memastikan masalah kelewatan dan penambahan kos luar jangka tidak berlaku.
33. PN-1523-L10356  
**Dato' Ahmad bin Dato' Sri Hj. Ibrahim** minta **MENTERI PERTANIAN DAN KETERJAMINAN MAKANAN** menyatakan adakah Kementerian berhasrat untuk mewujudkan agensi yang baharu kepada industri pertanian kelapa memandangkan sebelum ini ada usaha dari Kementerian untuk mempertimbangkan industri pertanian kelapa sebagai hasil komoditi di bawah penyelarasan Lembaga Koko Malaysia (LKM).

34. PN-1523-L10455

**Tuan Nik Mohamad Abduh bin Nik Abdul Aziz** minta **MENTERI KEMAJUAN DESA DAN WILAYAH** menyatakan apakah jurang digital antara usahawan desa dan usahawan bandar dengan pelaksanaan program pendigitalan usahawan.

35. PN-1523-L10597

**Datuk Haji Mustafa bin Musa** minta **PERDANA MENTERI** menyatakan fokus penajajaran semula pulangan dividen, pelaburan pendeposit Tabung Haji (TH), pelaburan ekuiti, operasi perladangan dan pelaburan patuh syariah, hartanah dan pengurusan rosot nilai agar risiko pelaburan dan operasi dapat diminimumkan pada tahun 2024.

36. PN-1523-L10236

**Datuk Seri Dr. Mujahid bin Yusof** minta **MENTERI PERTANIAN DAN KETERJAMINAN MAKANAN** menyatakan usaha yang dilakukan Agro Bank untuk mendekati secara lebih mesra pengusaha pertanian berteknologi tinggi yang keluar daripada pertanian konvensional.

37. PN-1523-L10328

**Datuk Lim Pay Hen** minta **MENTERI PENDIDIKAN TINGGI** menyatakan langkah yang diambil oleh Kementerian untuk meningkatkan kebolehpasaran graduan Pendidikan dan Latihan Teknikal dan Vokasional (TVET) supaya lebih ramai graduan mampu memperoleh gaji premium melebihi RM4,000 sebulan berbanding hanya 10 hingga 15 peratus yang berjaya mendapat gaji tersebut buat masa kini.

38. PN-1523-L10582

**Tuan Musoddak bin Ahmad** minta **PERDANA MENTERI** menyatakan pendirian Kerajaan untuk menambah bilangan anggota Senator mewakili Dewan Undangan Negeri (DUN) berdasarkan Perkara 45(4)(a) Perlembagaan Persekutuan.

39. PN-1523-L10406

**Dato' Sivaraj A/L Chandran** minta **MENTERI KEWANGAN** menyatakan apakah langkah-langkah yang telah diambil oleh pihak Kementerian dalam usaha untuk menstabilkan nilai mata wang Ringgit Malaysia memandangkan ketidakstabilan nilai mata wang ini memberi kesan langsung kepada sektor import dan eksport negara.

40. PN-1523-L09916  
**Datuk Seri Hajah Zurainah binti Musa** minta **MENTERI PENDIDIKAN TINGGI** menyatakan usaha Kementerian dalam memupuk minat serta kemahiran keusahawanan di peringkat universiti dengan tujuan untuk memastikan perkembangan teknologi dan inovasi tempatan yang dimiliki rakyat dan syarikat Malaysia. Bolehkah Kerajaan meneliti untuk mengadakan kerjasama bersama - sama syarikat swasta dalam menjayakan usaha ini.
41. PN-1523-L10531  
**Datuk Dr. Dominic Lau Hoe Chai** minta **MENTERI PERTANIAN DAN KETERJAMINAN MAKANAN** menyatakan bagaimanakah Kementerian membantu petani menggunakan teknologi kecerdasan buatan (*Artificial intelligence*) dalam meningkatkan hasil tanaman.
42. PN-1523-L09993  
**Tuan Manolan bin Mohamad** minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah langkah perlindungan keselamatan selain amalan yang biasa dilakukan untuk menghindari serangan binatang liar seperti harimau dan gajah yang menyebabkan kehilangan nyawa di kawasan penempatan Orang Asli.
43. PN-1523-L10202  
**Dato' Juhanis binti Abd Aziz** minta **MENTERI PENDIDIKAN TINGGI** menyatakan sama ada Kerajaan bercadang untuk menambah kursus program Pusat Latihan Teknikal dan Vokasional (TVET) dalam bidang-bidang pengajian lain bagi menambah nilai kebolehpasaran graduan di semua Institusi Pendidikan Tinggi (IPT).
44. PN-1523-L10084  
**Tan Sri Datuk Seri Panglima Anifah Bin Aman** minta **MENTERI KEWANGAN** menyatakan adakah Kerajaan Persekutuan akan mempertimbangkan pengecualian sasaran semula subsidi diesel untuk Wilayah Persekutuan Labuan seperti yang bakal dinikmati oleh Sabah dan Sarawak.
45. PN-1523-L09841  
**Tuan Abun Sui Anyit** minta **MENTERI PEMBANGUNAN USAHAWAN DAN KOPERASI** menyatakan apakah statistik laporan keterlibatan penduduk luar bandar Sarawak dalam kegiatan koperasi dan langkah-langkah meningkatkan peratusan tersebut.

46. PN-1523-L10275  
**Dato' Shamsuddin bin Haji Abd Ghaffar** minta **MENTERI EKONOMI** menyatakan apakah langkah-langkah persediaan oleh pihak Kerajaan untuk kemaslahatan jumlah warga emas yang semakin bertambah disebabkan jangka hayat rakyat yang semakin meningkat.
47. PN-1523-L10258  
**Tan Sri Dato' Low Kian Chuan** minta **MENTERI PENGANGKUTAN** menyatakan model pelaksanaan dan pembiayaan baharu bagi projek Kereta Api Berkelajuan Tinggi Kuala Lumpur-Singapura (HSR).
48. PN-1523-L10059  
**Dr. Lingeshwaran A/L Dato' Seri R. Arunasalam** minta **MENTERI PENDIDIKAN** menyatakan :-
- (a) bilangan tadika Kerajaan yang boleh mengambil pelajar istimewa seperti pelajar yang menghadapi masalah pembelajaran, autisme dan lain-lain; dan
  - (b) anggaran yuran bulanan untuk menghantar pelajar-pelajar istimewa ini ke tadika swasta dan perancangan Kerajaan untuk meningkatkan bilangan tadika awam untuk pelajar-pelajar istimewa.
49. PN-1523-L10371  
**Dato' Ahmad bin Dato' Sri Hj. Ibrahim** minta **MENTERI PENDIDIKAN TINGGI** menyatakan apakah inisiatif baru daripada Kementerian untuk menaik taraf dan memastikan keberhasilan institusi Politeknik setaraf dengan institusi Politeknik di luar negara.
50. PN-1523-L10442  
**Dato' Dr. Nelson A/L Renganathan** minta **PERDANA MENTERI** menyatakan strategi Kementerian untuk mendorong lebih banyak penglibatan Syarikat milikan kaum India di Bursa Malaysia, memandangkan bahawa ekuiti pemilikan kaum India masih kurang daripada 1.5 peratus.
51. PN-1523-L10045  
**Datuk Wira Dr. Mohd Hatta bin Md Ramli** minta **MENTERI PENGANGKUTAN** menyatakan apakah tahap kesediaan Kerajaan dalam membina laluan khas untuk penggunaan mobiliti mikro di jalan raya khususnya di Bandaraya Kuala Lumpur sebagai langkah menyelesaikan masalah kesesakan lalu lintas pada waktu puncak.

52. PN-1523-L10479

**Dr. Wan Martina binti Wan Yusoff** minta **PERDANA MENTERI** menyatakan apakah persiapan yang sedang dilaksanakan Kerajaan bagi menghadapi musim tengkujuh di Kelantan khususnya dari segi persiapan logistik penyelamat, Pusat Pemindahan Sementara dan bekalan makanan yang mencukupi terutamanya di kawasan yang sukar di hubungi akibat banjir.

53. PN-1523-L10523

**Dato' Haji Husain bin Awang** minta **MENTERI PERLADANGAN DAN KOMODITI** menyatakan adakah Kerajaan bercadang untuk mengkaji semula sistem agihan Insentif Pengeluaran Getah (IPG) bagi memastikan golongan penoreh yang mengambil upah menoreh juga mendapat manfaat IPG secara adil.

54. PN-1523-L10031

**Datuk Mohd Hisamudin bin Yahaya** minta **PERDANA MENTERI** menyatakan apakah strategi dan langkah yang diambil oleh Kerajaan dalam menangani masalah *Budget Deficit* yang berpanjangan dalam Dewan Bandaraya Kuala Lumpur (DBKL) terutamanya selepas pandemik Covid-19 sehingga kini.

55. PN-1523-L10159

**Dato' Sri Vell Paari A/L Tun Samy Vellu** minta **MENTERI KEWANGAN** menyatakan apakah langkah-langkah yang akan diambil untuk menambahkan pendapatan Kerajaan memandangkan defisit fiskal Kerajaan berada pada -5.0% bagi tahun 2023 dan diunjurkan -4.3% bagi tahun 2024.

56. PN-1523-L10036

**Datuk Bobbey Bin Suan** minta **PERDANA MENTERI** menyatakan sejauh manakah pelaksanaan program kesejahteraan rakyat dan pembasmian kemiskinan melalui sistem eKasih, semua Kementerian, Kerajaan Negeri dan pejabat daerah sebagai saluran bantuan kepada kumpulan sasar di Wilayah Sabah.

57. PN-1523-L10495

**Tuan Haji Hussin bin Ismail** minta **MENTERI KEWANGAN** menyatakan langkah dan usaha Kerajaan bagi menyamaratakan inisiatif subsidi bersasar daripada sudut percukaian agar tidak membebankan golongan M40 yang majoritinya adalah pembayar cukai pendapatan.

58. PN-1523-L10618

**Dato' Kesavadas A/L A.Achyuthan Nair** minta **MENTERI PENGANGKUTAN** menyatakan jumlah motosikal p-hailing yang telah disita oleh Jabatan Pengangkutan Jalan (JPJ) sepanjang tahun ini mengikut jenis kesalahan dan apakah bentuk pemudah cara yang telah dipertimbangkan kepada pemilik-pemilik motosikal yang terlibat untuk mendapatkan semula motosikal mereka dalam tempoh yang singkat.

59. PN-1523-L09903

**Datuk Seri Prof. Emeritus Dr. Awang bin Sariyan** minta **PERDANA MENTERI** menyatakan langkah yang diambil untuk mengatasi kesan perbezaan firqah-firqah yang mempengaruhi kehidupan umat Islam di negara ini, khususnya kestabilan sosial, politik dan amalan beragama.

60. PN-1523-L10551

**Tuan Haji Abdul Nasir bin Haji Idris** minta **MENTERI KOMUNIKASI DAN DIGITAL** menyatakan sejauh mana peranan Komuniti Media MADANI yang akan bertindak sebagai lidah rasmi propaganda Kerajaan dan implikasi terhadap kebebasan rakyat untuk bersuara.

61. PN-1523-L09867

**Datuk Teo Eng Tee @ Teo Kok Chee** minta **PERDANA MENTERI** menyatakan persediaan Agensi Pengurusan Bencana Negara (NADMA) dan juga agensi Kerajaan yang lain dalam menghadapi musim tengkujuh dan banjir tidak lama lagi.

**ATURAN URUSAN MESYUARAT DAN USUL-USUL**

- |    |   |                          |
|----|---|--------------------------|
| 1. | ( D.R.36/2023 ) Rang Undang-Undang Kewangan (No.2) 2023<br><b>[Menteri Kewangan]</b>  | <b>Bacaan Kali Kedua</b> |
| 2. | ( D.R.33/2023 ) Rang Undang-Undang Syarikat (Pindaan) 2023<br><b>[Menteri Perdagangan Dalam Negeri dan Kos Sara Hidup]</b>                                  | <b>Bacaan Kali Kedua</b> |
| 3. | ( D.R.42/2023 ) Rang Undang-Undang Kawalan Produk Merokok Demi Kesihatan Awam 2023<br><b>[Menteri Kesihatan]</b>  | <b>Bacaan Kali Kedua</b> |
| 4. | ( D.R.26/2023 ) Rang Undang-Undang Makanan (Pindaan) 2023<br><b>[Menteri Kesihatan]</b>   | <b>Bacaan Kali Kedua</b> |
| 5. | ( D.R.40/2023 ) Rang Undang-Undang Suruhanjaya Hak Asasi Manusia Malaysia (Pindaan) 2023<br><b>[Menteri di JPM (Undang-undang dan Reformasi Institusi)]</b> | <b>Bacaan Kali Kedua</b> |

6. **Usul dibuat oleh Menteri Ekonomi dan masalah dicadangkan :-**

**“BAHAWA** Dewan ini,

**memahami** akan perlunya satu dasar untuk mereformasi pasaran kerja melalui Kertas Putih Cadangan Dasar Gaji Progresif agar golongan pekerja mendapat gaji yang lebih tinggi seiring dengan peningkatan produktiviti.

**mendukung** aspirasi Kerajaan untuk menstruktur ekonomi ke arah Malaysia sebagai sebuah negara berpendapatan tinggi dengan memperkenalkan dasar gaji yang dijangka berupaya mengurangkan ketidaksamarataan pendapatan, meningkatkan produktiviti pekerja dan daya saing syarikat.

**menyokong** usaha pelaksanaan Dasar Gaji Progresif yang akan dimulakan dengan projek rintis bagi menentukan keberkesanan dan ketersediaan sebelum pelaksanaan Dasar Gaji Progresif dibuat secara menyeluruh.

**menyeru** semua pihak berkepentingan untuk bersama-sama memikul tanggungjawab dalam menjayakan usaha ini sejajar dengan pendekatan kolektif dengan semua pihak termasuk Kerajaan, majikan dan pekerja.

**BAHAWA** Dewan ini meluluskan Kertas Putih Cadangan Dasar Gaji Progresif supaya menjadi hala tuju reformasi pasaran kerja negara seperti yang dinyatakan dalam Kertas Perintah CMD.69 Tahun 2023 iaitu Kertas Putih Cadangan Dasar Gaji Progresif."

**[ Menteri Ekonomi ]**

7. **Menteri di Jabatan Perdana Menteri akan mencadangkan :-**

**“BAHAWA** mengikut Peraturan Mesyuarat 78(5), maka Penyata Jawatankuasa Pemilih yang dibentangkan di atas meja Mesyuarat di dalam Dewan ini sebagai kertas DN. 7 Tahun 2023 hendaklah diterima dan dipersetujukan”

**[ Menteri di Jabatan Perdana Menteri ]**

**RISALAT-RISALAT YANG DIBAWA KE DALAM MESYUARAT  
(DEWAN NEGARA)**

| <b><u>TAHUN</u></b><br><b><u>2023</u></b> | <b><u>RISALAT/DOKUMEN</u></b>  | <b><u>TARIKH</u></b><br><b><u>DIBENTANGKAN</u></b> |
|---|--|--|
| DN 7/ 2023                                | Penyata Jawatankuasa Pemilih, Dewan Negara   | 13 Disember 2023                                   |
| ST 224                                    | Perintah Perlembagaan Persekutuan (Kajian Semula Pemberian Khas Di Bawah Perkara 112D) (Negeri Sabah) 2023   | 13 Disember 2023                                   |
| ST 225                                    | Perintah Perlembagaan Persekutuan (Kajian Semula Pemberian Khas Di Bawah Perkara 112D) (Negeri Sarawak) 2023 | 13 Disember 2023                                   |